

\*\*\*\*\*

## RAGAD ADVERTENTIE:

Kabar premili: 1 — 30 temboeng f 1. —  
Langkoengipoen, saban 10 temboeng oetawi  
kirang: f 0,50.

Advertentie limrah: f 0,15 sagaris:  
(apes: f 1,25).  
Moendoet kapatjak langkoeng saking sap-  
pisan, oetawi moendoet dados lengganan,  
tepang rembag roemijin kalijan admini-  
stratie.

Hoofdredacteur:

A. DJAJASEPOETRA.

kabantoe

REDACTIE - COMMISSIE.

\*\*\*\*\*

# SWARA-TAMA

## SERAT KABAR KATHOLIEK

== Medal saban dinten Djoemoewah. ==

\*\*\*\*\*

REGINIPOEN LENGGANAN

SWARA TAMA

1 taoen . . . . .	f 6,—	} njoewoen kabajar
1/2 . . . . .	f 3,—	
3 woelan . . . . .	f 1,50	

Adresipoen Redactie lan Administratie

IGNATIUS-COLLEGE

DJOKJAKARTA.

Telefoon no. 795.

\*\*\*\*\*

Drukkerij „Canisius“ Djokja.

## ISIN IPOEN:

Sadèrèk R. Simon Martosoedarmo sampoén enz.—Tjara ingkang anèh — Sampoén andadosaken kedjoting panggalih lo — Ringkesan babagan seserepan lan kagoenan — Dongèng saking Betawi II — Ontjèn sekar gambir melati — Oerap-sari — Correspondentie.

### † SADÈRÈK R. SIMON MARTO- SOEDARMO SAMPOEN TINIM- BALAN ING S. KRISTOES.

Tratap, plongo, getoen kaworan goemoen mireng kabar sèdaniwen R. S. Martosoedarmo. Boten njana pisan-pisan, jèn pandjenenganipoen saèstoe sampoén boten wonten. O, inggih sinten kèmanon ingkang botena kagèt mireng kabar makaten poenika.

Noewoen para maos. Pandjenengan sadaja kados sampoén sami tepang dateng sadèrèk poenika. Botenipoen makaten tamtoe sampoén naté mireng. Leres makaten R. S. Martosoedarmo samangké sampoén katimbalan ing Goesti, sowan wonten ngarsaning Hjang Maha Widi. Andadosaken ngeres ngoengoen koela, langkoeng-langkoeng kanggé para sadèrèk ingkang sampoén naté njamboet damel sesarengan kalijan pandjenenganipoen. Raosing manah sami koemelap soemedot mireng sèdaniwen sadèrèk ingkang sanget dipoentresnani. Sakala boenèk peteng, roemaos kaitjahan obor. Pantjèn inggih makaten saèstoe para maos.

R. S. Martosoedarmo jektos sa-toenggiling prija nèm ingkang montjèr ing sadajaniwen. Pandjenenganipoen oegi tilas moerid ing Kweek-school Moentilan, ingkang ladjeng neroesaken pasinaonipoen dateng H.K.S. ing Poerworedjo. Bibar nilar pamoelangan poenika pandjenenganipoen ladjeng ada-ada wiwit njamboet damel ambikak sakolahan partikelir ing Soerabaja. Pamoelangan saged saé. Nanging santosaa kados poenapa èstoenipoen dèrèng koewawi nanggoelangi koerdaning djaman malaise sabibaripoen perang ageng roemijin. Pijambakipoen kapaksa nilar Soerabaja, nglerèk dateng tanah Djawi tengah. Wonten ing Parakan ngedegaken sekolahan malih. Sanadjan dipoensantani oegi (moeridipoen samangké sampoén wonten ingkang sakolah ing H.K.S.) wekdalipoen ingkang kirang saé. Wasana pandjenenganipoen ladjeng ambjoer ing kalanganing Missie, dados goeroe ing Canisius-Vereeniging, kaparingan papan ing Ngajogjakarta. Sanalika oegi ladjeng tjantjoet tandang ngatingalaken kasagedanipoen, isin jèn ta ngantos koetjiwa, poenapa malih kawon desoek kalijan sanès. Pantjèn njata mekatan penggalihipoen. R. S. Martosoedarmo pradah, gampilan, poeroen tampi sawarnining padamelan saé. Pramila sareng ing tanah Djawi-Wétan kapireng wonten panggoewoeh-oewoeh neda bantoe, R.S.M. ladjeng énggal-énggal kaeloengaken. Sajeptos sampoén kalagih klajan leres sanget déning para

djedjempolaning kalangan goeroe ing Canisius-Vereeniging.

Sarawoehipoen ing tanah wétan R.S.M. kapasrahan andadosi sakolahan H.I.S. ingkang sampoén télé-télé alijas satengah pedjah; moerid kawah ingkang absent: H.I.S. wiwit katjeping tanggal kaping 6 Oct. 1924, sarta ladjeng gadah moerid 29. Poengkasaning taoen '24 laré samanten waoe sampoén dados 92. Poenapa boten nggoemoenaken? Wiwitaning taoen '25, woelan Maart ladjeng jasa grija sakolahan ing Semeroestraat. Saladjengipoen pamoelangan soeboer sanget, goeroenipoen oegi ladjeng tansah mindak, perloe ambantoe pandjenenganipoen, margi saking katah toewin awrating pandamelanipoen. Wiwitaning taoen '26 sampoén dados 5 kl., goeroe oegi gangsal. R.S.M. dados pangagengipoen. Sarèhning katah moeridipoen ingkang tebih grijanipoen, ladjeng jasa internaat pisan wonten sawingkinging pamoelangan.

Titimangsa tanggal 2 Juli 1928 sakolahan sampoén dados djangkep 7 klas, pangagengipoen kedah Walandi. Kalerasan Mgr. N. v/d Pas kersa ambikak sakolahan ing Djember. R. S. Martosoedarmo kapasrahan padamelan poenika. Sakolahan H.I.S. kapasrahaken dateng Fr. Augustinus.

R. S. Martosoedarmo oegi ladjeng blas tindak ing Djember. Sakedap sakolahan Standaardschool madeg, moeridipoen 37. Samangké sampoén dados kalih klas, goeroe oegi tambah. Malah R. S. Martosoedarmo taksih kadawoehan njepeng cursus goeroe doesoén oegi. Wé la sapinten awrating padamelanipoen! Sanadyan awrat, sadaja ingkang katjeping saged saé, madjeng, mentes wohipoen. Margi poenapa? Pandjenenganipoen boten wegah kesel, sanadyan ngelih adoes kringet, saban sijang késah tindak mara tamoe dateng grijanipoen tjang sepoehipoen moerid. Mangka srana poenika kados-kados ingkang saé pijambak kanggé ngadjengaken pamoelangan; ladjeng taksih katambahan pepenginanipoen moerid, inggih warni-warni. Nanging sadaja poenika waoe taksih kawon kalijan srana satoenggiling kèmanon, i.p. sadaja waoe taksih dipoenlarapi toetoe sembahjangan. Koela goemoen sanget dateng sregep toehoeripoen R. S. Martosoedarmo, anggenipoen saban éndjing boten towong sowan Goesti njoewoen barakah Dalem. Ingrikoe katingal sanget renaning Goesti ngloebèraken sih Dalem, dateng pandjenenganipoen katjihna sadaja padamelanipoen madjeng.

R. S. M. oegi ngrangkep dados goeroe Agami. Pandjenenganipoen ingkang tjakal bakal namemaken pitados R. K. ing salebeting manahipoen tjang Djawi ing tanah Wétan. Satindakipoen saking Malang ingrikoe ± tjang 50 ingkang sampoén andèrèk Sang Kristoes. Pandjenenganipoen oegi kerep kadawoehan ndèrèk dateng sanès papan perloe moelangaken Agami R. K. kadosta ing Balésari sarta ing Soekarena. Pandjenenganipoen pantes dipoenwastani bebénggoling sadèrèk Ka-

toelik ing tanah Djawi Wétan.

Kados-poendi soegengipoen saban dinten? Sarèhning ing nginggil sampoén katah ingkang koela atoeraken ing riki koela tjekak kèmanon. R. S. Martosoedarmo ngoerbanaken salira, gesang pijambakan. Sampoén naté ngandika, jèn boten kersa kagoengan sisihan manawi boten pinaringan sisihan ingkang saged tjondong kalijan kersanipoen. Pandjenenganipoen manganggé pasadja barès, boten gemebjar, toer oegi boten ngersakaken kalenggahanipoen, dahar sawontenipoen sarta jèn kablebeg ing pandamelan oegi asring nilar dahar, sarènipoen oegi namoeng sakedik, terkadang oegi boten saré kalani-poen répot. Tanggapipoen dateng sadèrèk, pamitran sarta wewengkonipoen soemanak soemèh, asring-asring boeteng jèn boten perloe, kalijan prijantoe énggal andap-asor, rena tetoeloeng dateng sinten ingkang pantes tinoeloengan, kerep madosaken padamelan sadèrèk ingkang saweg nganggoer, sarta seneng oegi damel bingahing sanès.

Mitoeroet omonging sadèrèk R. S. Martosoedarmo poenika sèdaniwen margi nglampahi ajahan dados periodelteller. Pandjenenganipoen doemawah radi mboten sakéja, éwasamanten, rehning padamelan poenika ageng goenanipoen, meksa tindak natjahaken djiwaning kampoen ingkang sampoén katampi. Ing wasana sakondoeipoen ladjeng gerah bentèr kalih dinten, teroes kabekta ing grija sakit. Tigang dintenipoen loentak rah. Sareng sampoén pinaringan sadaja Sakramèn-Sakramèn betahing tjang ingkang badé pedjah, R. Martosoedarmo ladjeng kondoe dateng ing djaman kalanggengan kanti tentrem.

Wonten ing Djember R. Martosoedarmo sakedap kèmanon kadjèn kèringan déning para praja-goeng ingrikoe, langkoeng<sup>2</sup> tjang alit. Pramila nalika lajon kaangkataken wonten sèket dokar ingkang ngiring ndèrèk mlebet ing Grédja teroes dateng ing koebor pisan. Soemangga p. m. koela atoei nggali dateng soegengipoen R. S. Martosoedarmo. Poenapa kalintoe jèn ta koela sami noelada ing pandjenenganipoen?

O, R. Simon Martosoedarmo, boten langkoeng para sadèrèk ingkang taksih sami klambrangan wonten ing pasètran sami amemoedji, moegi énggala kepareng soemiwi ing ngarsaning Hjang Maha Agoeng, njenjoewoenaken sih rachmad Dalem dateng para kawoela sadaja, sageda ing bédjeng noesoel pandjenengan ngloehoeraken Goesti pepoendèn kita S. Kristoes. Sadèrèk R. Simon Martosoedarmo, saréa klajan tentrem!

R. I. P.

Atas namaning goeroe<sup>2</sup> R. K. H. I. S.  
ing Malang. F. O. Rahardja.

### PRADJA RAHAJOE.

#### TJARA INKGANG ANÈH.

Djaman sapoenika djaman madjeng, njata. Katah tjang pinter, pantjèn. Nanging koela dèrèng saged pitados bilih oegi katah tjang saged (pinter) ingkang witjaksana, liripoen nganggé kasagedanipoen ingkang kanti samestiniipoen. Kosok-wangsoelipoen katah tjang pinter ingkang ladjeng minteri. Katah tjang ingkang ngertos dateng wèt ingkang ladjeng gadah réka kados-poendi akalipoen sagedipoen mbrobos sampoén ngantos noendjang angger-angger satoenggaling lan satoenggalingipoen. Kados sampoén katah tepa paleopi ingkang sami kelampah ing kiwa tengen pandjenengan sadaja. Sampoén.

Koela badé ngatoeraken tjaranipoen tjang mantoe ing tangga koela. Noedjoe satoenggaling dinten poen tjalon pangantèn djaler késah ngèdjèg (ndokar) dateng doesoén sanès; ing ngrikoe soemerep wonten laré èstri, tjara Semarangipoen contact, (kapranan). Poen tjang djaler doemoegi ing grija ladjeng kèngkènan

tjang kapoeirih niti priksa poen laré èstri (tjangoek of tjongok). Tjang waoe nindakaken tjaraning tjongok. Sareng sampoén mateng, tegesipoen tjang èstri poeroen, ladjeng dipoenketik badé dipoentjolong sarana semadosan djam semanten kapoeirih wonten ing margi badé kapetoek dokaripoen. Kelampahan ladjeng katindakaken. Sareng let 3 à 4 dinten tjang sepoehipoen madosi, pinanggih ing grijanipoen tjalon pangantèn djaler. Anakipoen ladjeng dipoendjak wangsoel, nanging tjarijos boten poeroen, tjarijos badé toemoet ingkang mbekta késah waoe. Let sawatawis dinten malih oegi ladjeng idjab.

Tjebi sadèrèk, kok wonten tjara kados makaten. Inggih jèn tjara makaten waoe tjara loegoe, tegesipoen loegoe boten kok apoespoesapoen oetawi akal-akalan.

Lo samar koela poenika rehning djaman katah tjang pinter gèk tjang pinter perloe badé minteri. Tindak ingkang makaten poenika rak nggampilaken sanget tjang nglampahi kadoersilan. Tjarijosipoen manawi mendet laré èstri sarana katjolong, poenika tanda jèn tjang djaler sampoén tjekap. È, dados jèn makaten tjang tjekap poenika winenang nindakaken ingkang kirang prajogil? Langkoeng-langkoeng ing rehning djaman sapoenika saweg oesoem doejoeng, (wong golèk wong wadon arep didoi) koela oegi samar dateng tjang ingkang njolong perloe badé kasadé waoe.

Soemangga sadèrèk-sadèrèk koela poetri ingkang sami badé ndjoendjoeng dradjating wanita koela atoei merangi, tjara ingkang makaten poenika. Sokoer bilih kersa ngampil kagem angsal-angsal tindak dateng Honoloeloe, sageda kondoe ngampil angsal-angsal.

1. Itjaling wajoeh.

2. Boten nggampilaken tjang pegatan.

3. Saged ngrampas wontenipoen vrouwenhandel.

4. Sampoernaning (moesna) tjang-tjang èstri ingkang nindakaken palanjahan lsp.

F. J. HOEROEBISMA  
Banjoewangi.

### L A R A S A T I.

#### SAMPOEN NDADOSAKEN KEDJOTING PANGGALIH LO!

Para sadèrèk poetri, langkoeng-langkoeng ingkang sampoén ngrasoek Agami kita Katholiek, kados-poendi tepang oetawi sesedèrèkan pandjenengan dateng sasami kita wanita jèn pinoedjoe pepanggihing oetawi kempalan? Pitakèn koela ingkang wiwitan. Poenapa sami roemaket saéka praja? Poenapa boten mbédakmbédakaken? Liripoen boten lamis, sanadjan kalijan bangsa loehoer oetawi bangsa asor oepaminipoen? Awit prakawis kempal kalijan sadèrèk katah poenika mila angèl nganggé sanget, langkoeng-langkoeng jèn samia boten noenggil agami. Mila prakawis waoe asring adamel djoedeging manah. Éwasamanten prakawis pergaolan kènging koela damel kanti seneng minangka sedèrèk-sedèrèk ing papan karaméjan (donja), oeger boten mawi pilih-pilih, oepami: pangkat, seseboetan, kasogihan, kamlaratipoen enz. Awit tjotjoting manah boten doemoenoeng ing kasogihan, kadladjatan, kamlaratipoen enz. Wah, mila kala koela, sakantja soemerep roemaketing sesedèrèkanipoen tjang-tjang ingkang doedoenoeng ing satoenggiling kita ingkang wanitanipoen sampoén kablebet katah, saged sami saéka praja roemaket roekoen, manah koela ladjeng kapranan alijas saged kepéngin kawontenan waoe. Salebeting manah: „Wah embok roedjoeking enggoné sedoeloeran, sedoeloer-sedoeloerkoe wanita ing negara anoe kaé ija kaja ngono ikoe“. Mangka wanita-wanita ingkang kaseboet ing nginggil waoe oegi bédak pangkat oetawi kalenggahanipoen, oepami wonten bendara-

nipoen goeroe, bendara dokter (verpleegster), radèn ajoe, radèn ngantèn, mas adjeng, mas enz., dados boten namoeng sawarni.

Roemaketing pasedèrèkan boten kalapis ing djawi, nanging malah sampoén toemantjèp ing sanoebari. „Jak, tandané endi?“ kèri-kèri marga ana tamoe saka nagara lija bandjoer dipoelas sapa ngerti!“ O poenika boten, awit koela sampoén ngjakinaken wonsal-wangsoel. Toelada: kala koela ngleresi toemoet kempalan ing kalanganing wanita, wonten ing satoenggiling kita waoe, goemoen koela sanget soemerep tindakipoen pangarsa. Nalika pakempalan sampoén kabikak kados satjaranipoen, doemadakan pangarsa miling-miling mriksani ing wingking kados wonten ingkang kapriksanan, ladjeng ngandika: „Ing wingking kados wonten sadèrèk énggal, poenapa inggih tjalon dados warga pakemplan ngriki, ngiras nepangaken roemijin!“ Inggih katekènan mratélakaken jèn namoeng tamoe. Déné ingkang satoenggaling njoewoen dados lid, wah pangarsa ngatingalaken bingahing manah, déné angsal warga énggal, ladjeng katèpangaken kalijan warga-warga lami sanèsipoen, soepados ngertosaa jèn, angsal sadèrèk énggal.

Sebab poenapa ta kados makaten teka goemoen, o mila goemoen, awit ing pakempalaning kalangan kita gotrah wanita bédak sanget. Jèn wonten sadèrèk énggal inggih ladjeng katekèken kantiipoen ingkang ngertos namanipoen, ladjeng katjaretan woelan tjandakipoen katarik kontribusi, dados sadèrèk énggal waoe dèrèng ngantos tepang kalijan pangrehing pakempalan lan warga sanèsipoen. Saking pamanggih koela teka loetjoe, ngerti baé doeroeng wis ditarik doewit. Toer boten saban kita sami pranatanipoen, awit wonten paribasan: „Negara mawa tata désa mawa tjara.“ nanging . . .

Dados saged kita sesrawoengan kanti dedasar roemaket roekoen, poenika kabekta saking pantoentoen ingkang kaseboet sampoén inggil. Mila, wah kagèt koela, sareng pangarsa pijambak kersa nggapé dateng tamoe lan tjalon warga waoe, ingkang roemaosipoen wonten ing ngrikoe boten katingal margi saking andaping pangkat? Dados oeger ingkang loehoer kersa tjawé-tjawé lan ngrangkoel roemijin, mangké ingkang andap-andap temtoe boten sandé moeroegi; awit ingkang andap adrijih jèn badé tjawé-tjawé roemijin, ngèngeti asoripoen. Kosok-wangsoelipoen jèn ingkang loehoer namoeng nggedangkrang ngetingalaken pangowasipoen, boten poeroen tjawé-tjawé oetawi tjandoe langkang kalijan ingkang asor, inggih temtoe boten badé wonten sadèrèk ngingkoek alijas boten gadah tepangan. Mila nalika koela sakantja sami kataman ing tetemboengan ingkang wosipoen njepèlèkaken, sanget ing kesakit-sakitipoen. O, inggih leres tjang kita namoeng bangsa asor: Menggah katatalanipoen, kadosta: jèn pinoedjoe pepanggihing, kita sakantja poenika kados<sup>2</sup> boten katingal, wonten rembag<sup>2</sup> poenapa ingkang kapeleng namoeng panggenan ingkang dados groepipoen, lah ngriki poenika dateng kanggé poenapa, poenapa dados tenggoel? wah memelas kita sapangandap. Lha jèn kita sampoén mlebet ing pakempalan ngrikoe, rak inggih boten bédak ta asokipoen arta kontribusi, lan als gewone ledèn wewenangipoen rak inggih sami, ta? Dados jèn babagan kalijan pakempalan jèn milih bangsa bestuur, ingkang andap oegi kapiliha, wontenipoen boten saged, awit dèrèng naté kadadosaken, wondéné sagedipoen jèn sampoén kapaksa nglampahi. Dados tjekak aos sampoén sanget-sanget anggenipoen mbédak-mbédakaken. Awit boten namoeng poenika ketawisipoen jèn mawi njilah-njilahaken; kadosta: sebab poenapa grapjak of soemanaking para pantoentoen waoe, inggih poenika ing kita koela, namoeng jèn badé angsal baoc oetawi pitoeloenganipoen

### R. K. HOLL. INL. SCHOOL ÉNGGAL ING AMBON.

Betah goeroe Katolik kakoeng, mawidi diploma Kweekschool; jèn wonten, ingkang sampoén agarwa. Blandja lss. kados ing goepermènan; malah inggih mawi gratificatie, jèn mila pantjèn kedah mawi. Serat lamaran kakintoena dateng Administratie Swara-Tama.



KABAR PAKEMPALAN.

Parepatan Moeda Katholiek afd. werken-den, nalika tanggal 12 Oct. wonten ing sekolahan Kambing.

Inggang rawoeh wonten sadèrèk 28 kali-jan tamoe sawatawis: poenapa déné Rama Moderator.

Inggang karembag prakawis: 1. Pista taenan: Sarèhning roemijin sadaja warga lan donateurs sampoen katetepaken oeroen kanggé wragad pista waoe, dados sinten ingkang boten ambajar, boten angsal kartjis babar pisan. Déné ingkang saweg asok sepalih oetawi langkoeng, badé dipoen-djogi arta kas, nanging bédjning kedah mangsoelaken.

b. pamérang pandamelan. Bestuur netepaken warga-warga, ingkang kedah ngrentjangi bédjning jèn doemoegi tapoecking damel. Déné warga sanèsipoen ingkang dèrèng kapadoeman pandamelan kasoeuwen karsaa ngawat-awati lan tjawé-tjawé jèn wonten kèteripoen.

c. Wekdal: pista kadawahaken bédjning tanggal 8 malem 9 November, dados moen-doer 3 minggos, soepados sampoen njarengi tingalan dalem djoemenengan.

d. Insigne: Wonten ing karaméjan pista taenan, warga kedah nganggé insigné, kénging mendet datang panitra sareng kali-jan pamendetipoen kartjis. (wiwit tg. 1 Nov.).

2. Statuten: Statuten M.K. ingkang roemijin karembag dèrèng njekapi, pramila Kangdjeng Biskop ing Betawi lan, para Pastoor sarembag kali-jan prijantoen ingkang damang ing prakawis „jeugdorganisatie“ ladjeng ambangoen statuten kanggé, Moeda Katoelik golongan werkenden (ingkang sam-poen njamboet damel) kanggé golongan moerid angka 2 lan moerid sekolahan teng-gahan. Wonten ing parepatan statuten katerangaken déning Rama Moderator, ing-kang ladjeng dipoentjotjogi (roedjoeki) dé-ning para warga sadaja.

3. Pakabaran. a. Bestuur ngabari datang para warga badé wontenipoen pakempalan P.P.P.P.A. ingkang toedjoenipoen mitoeleugi tjang sepeoh ingkang sami kètjajan anak-ipoen (ratjakipoen anak èstri ingkang sam-poen diwasa).

Pramila sareng sad. Soegiri sampoen se-sorah lan nerangaken prakawis poenika, para warga sami roedjoek sadaja soepados M.K. inggih dados warganing P.P.P.P.A. déné contributie kasanggi warga sadaja, sarana contributie woelanan kaindakaken 5 sèn.

b. M.K. kapasrahan pandamelan madjang papan kanggé ngoermati Kangdjeng Soeltan

4. Oesoel-oesoel: Wonten sadèrèk ing-kang oesoel soepados M.K. afd. njamboet damel, ngedegaken kempalan bal-balan, wargja tjampoer kali-jan M. K. afd. moerid sekolahan tengahan.

Wonten malih ingkang oesoel, soepados M.K. inggih ngwontenaken tennisclub, déné papan njéwa papanipoen B. O.

Sadaja waoe, bestuur inggih badé ngrembag.

K. W. Salatiga.

Ledenvergadering 12/10 - 1930.

Inggang karembag:

1) Maos notulen ledenverg. 17/8 - 1930. 2) Babad K. W. Salatiga. Pangarsa ngan-daraken tjekak aos babad K. W. wiwit lair doemoegi sapoenikanipoen.

3) Amrih tangkoeng raket anggénipoen sa-sadèrèk nanging warga K. W. nglebet lan di-jawi kita Salatiga, saben woelan badé kawonten-aken lezing, ingkang ngedali lezing kaocendi.

4) Pangarsa soeka priksa bilih Stat. lan H. R. sampoen kaidinan (goed gekurd), dé-ning Padoeka Kangdjeng Bisschoep. Saha ba-dé kaparingan Geestel. adviseur.

5) Tanggal 25 Dec. bakda Mis sijang K. W. Salatiga badé ngawontenaken pista taen-wonten ing H. I. S. partit.

6) Bestuur Pangroekti Laja njoeuwen da-teng Best. K. W. soepados mboedi daja moer-ih medaking bëjanipoen panggoeboer ing Kerkhof (Gemeente), kanggé sadèrèk Kristen Indonesia. Manawi boten kepareng lajon soe-pados saged kakoeboer ing koehoeran Djawi.

7) Pangarsa nerangaken sakedik bab P. C. C. I. (Perkoempoelan Crediet-Coöperatie

Indonesia) ingkang mentas kaadegaken déning pak. B. O. afd. Salatiga. Inggang kénging dados warga tjang Indonesiër ing sakoe-koeban Salatiga, Ambarawa lan Oengaran. Regining aandel f 10. Tjjang satoenggal ké-nging moendoet aandel katah-katahipoen gangsal. Aandel kénging katjitiil ing dalem 5 woelan. Angsal-angsalaning pawitan badé kalampahaken kasamboetaken sarana mendet rente 24% ing dalem setaheon.

Sanès lid oegi kénging njamboet nanging nganggé tanggalianipoen lid. Wontenipoen sapoenika saweg Credietcoöperatie (njam-boetaken arta). Manawi toemindakipoen saé bédjning oegi badé dipoenadani verbruiks-coöperatie (sadé betahing warga ing saben dintenipoen) lan productiecoöperatie) njadé pamadalipoen warga-warga oep. sadé daging sesarengan, banon ls.).

N. B. Poenapa kita oegi boten saged ada-ada damel bangsaning Coöperatie kase-bat. Oep. damel Bank.

Manawi wonten sadèrèk ingkang badé moendoet priksa statuten lan Huishoud. regl. P.C.C.I. saged nerang dateng R. Th. Sar-djana Hoofd Partic. H. I. S. Salatiga.

K. W. SOERAKARTA.

Dinten Ngahad tg. 12 October 1930 pa-kempalan kasebat nginggil ngwontenaken parepatan warga manggèn ing Kath. School Poerbajan. Inggang ndjenengi wonten 43 kapétang oegi rama G. A. dalah warga pangreh

Parepatan kawiwitan djam 10 têng. Péngetan pakempalan warga ingkang ka-pengker ladjeng kawaos toewin kaabsahaken pisan.

Bakda poenika pangreh ngabaraken:

1. Lèrèhing pangarsa K. W. (sad. Dwidja-disastra). Inggang goemantos pandjeneng-anipoen 2e. voorz. sad. Martasoedarma. Katetepaken oegi dados 2e. Secr. K. W. sad. Dwidjasepoetra.
2. Darma kanggé kabetahaning Grédja ing Samaitan (Sléman). Kanggé bikakan Gré-dja K. W. sagah oeroen f 2.50. Kanggé mbantoe adeging Grédja K. W. ngideraken lijst-darma dateng sadèrèk Kath. sadaja.
3. Darma kanggé kasangsaran Likasan sam-poen kakintoenaken dateng ingkang wa-djib nampi. Katahning arta f 60.87.
4. K. W. badé damel motie dateng P.G.H.B. afd. Solo prakawis anggénipoen Frima R. Ogawa njebar boekoek „Moestika“ dateng para moerid-moerid.
5. Pandamelanipoen Commissie tata-tjara sampoen rampoeng.

Manoet padatan ingkang sampoen-sam-poen jèn noedjoe raija Kerstmis, sad. Ka-toelik ngwontenaken ropan-ropan ngiras alai-balal. Rénig wekdal poenika sampoen njelaki, pramila parepatan poenika ladjeng damel Comité Kerstmis. Déné ingkang dados babadaning Comité. 1. Sad. Somadisastra. 2. sad. Martasoedarma. 3. sad. Poedyahardja. 4. Sad. Djajaoetama. 5. Sad. Dwidjaaoetama. 6. Sad. Soegita. 7. Sad. Tirtadihardja. Ka-djawi poenika K. W. ada-ada damel Spaar-club. Inggang tjalon dados warga wonten sad. 32. Para warga badénipoen saben woelan kawadji-baken njlèngi apesipoen f 0.50. Inggang kapilih mangreh Spaarclub poenika: Sad. Martasoedarma. sad. Poerwaatmadja Sad. Poedyadihardja. Sad. Rakyparmaka. Sad. Soealbirah. Sad. Dwidjaoesana lan sad. Soemarta. Saladjengipoen sad. Sastrasoe-warna oesoel: pak. sanès ingkang ngarsaken ngagem barang-barangipoen K. W. kedah persaben lan manawi wonten risakipoen ker-saa nglintoni, oesoel katampi. Sad. Dwidja-soesana oesoel soepados P.K.W. ngadanana bankinstelling Kath. nanging poenika dadosa panggalihanipoen K. W. roemijin, bédjning manawi parepatan malih sageda ngrembag ingkang mateng. Sad. Sastrasoedarma oesoel: soepados K. W. ngindaki barang-barang-ipoen ingkang practisch boten kètang saking sakedik. Oesoel katampi sarta badé katin-dakaken. Poenika wontenipoen oesoel-oesoel. Sareng pitakènan-pitakènan sadaja sampoen sami kawangsaelaken klajan terang parepatan djam 10.30 katoetorp.

Verslaggever.

prijantoen mawi oenda oesoek pang-katipoen, nanging mbok ingkang samadya.

Wondéné maksoeding katrangan-katrangan ing nginggil waoe, boten teka kanggé ngatingal-ngatingalaken tjatjadiipoen soepados kapojok, o poenika boten babar pisan. Nanging soepados mangertos jèn pasederèk-anipoen gotrah wanita langkoeng-langkoeng ingkang sampoen Katho-liel, sageda saéka praja, roemaket roekoen, awit menggahing roema-ke-tipoen èstoe dèrèng katingal mên-ginaken jèn katimbang kali-jan ne-gari ingkang sampoen koela soeme-repi pijambak kasebat nginggil. Bab namaning negari boten perloe koela atoreraken, awit oeger ingkang ka-taman, temtoe badé kraos (Siapa ber-loeka tentoe merasa) mekaten ba-basanipoen.

Wasana koela njoemanggakaken para maos, namoeng angkah koela moegi obrolan koela, moerakabana para sadèrèk wanita ing negari anoe, ingkang anggénipoen sesedè-rèkan dèrèng katingal saé. Boten langkoeng moegi sampoen kirang pangapoenten, toemrap dongèng koela.

sadèrèk: G. Bericht.

RINGKESAN BABAGAN SESE-REPAN LAN KAGOENAN.

Kala taoen 27-28 koela sampoen adjeg ngladosi Swara Tama mligi kanggé babagan poenika. Ing sa-rèhning sampoen ketingal sela lan padang langitipoen jèn saged bab poenika badé koela ajati malih.

Ing wekdal samangké Europa horeg ngrembag bab kirang pen-damelan, lan Amerika U. S. keda-wahan ingkang kesangeten pijam-bak, wonten Amerika pijambak (wonten koranipoen) sasaged-saged bab poenika dipoentoetoepti oetawi dipoensesoepté. Bab poenika Europa inggih sampoen alok. Inggih leres Hoover sampoen glijak-glijak tata-tata, namoeng ing koran-koran bab poenika sepi, boten karembag.



Boten kados Europa, bab poenika dados toedjoening rerembagan ing koran-koran. Ing U. S. A. malah pamèr indaking djiwanipoen, sa-poenika sampoen mèh 125 joeta!

Angkanipoen ingkang leres: 122,698,190. Sata ngoemoekaken jèn kita ingkang gadah djiwa langkoeng saking 100.000. wonten 93, ing taoen 1920 saweg 68. Déné ing kang djiwanipoen langkoeng saking 250.000. oetawi 1/4 mlijoen kala 1920 wontan 30, taoen 1930 angka waoe dados 38. Inggang ageng pijambak New York, taoen 1930 poenika djiwanipoen mèh 7 joeta (6.958.792), Chicago angka kalih, mèh 3 1/2 joeta (3,373,753), kita tiga sanèsipoen ngandap poenika sami gadah djiwa langkoeng sa-king 1 joeta sadaja:

Philadelphia — 1.961.458. Detroit (Ford) — 1.564.397. Los Angeles — 1.231.730. San Francisco namoeng 1/2 joeta langkoeng sakedik: 625.974.

Manoet pretèlan nginggil poenika dados tetéla ngrika mentas wonten Volkstelling, lan ketingal oegi won-tenipoen Volkstelling saben 10 taen; Djepang semanten oegi; namoeng Perantjis wontenipoen volkstelling saben 5 taen.

Djiwa Amerika U. S. semanten waoe jèn katanding kala 1920 in-dakipoen wonten 16.987.570. Sarta Volkstellingkantoor wonten ngrika kaseboet Census Bureau, lan doe-moeginipoen wonten Washington, jèn Indonesia ngriki wonten ing Wel-tevredden (tjelak H. I. S. van Lith-school).

Kedjawi poenika toemrap para njinaoe kawontenan Amerika kedah kaémoetaken bilih namaning staat lan kitanipoen kerep boten sami, ka-dos Chicago, poenika dados kradjan-ipoen staat Illinois, kita Washington dados kradjanipoen staat Virginie lan staat Washington kradjanipoen ing Seattle! Poenika ingkang radi mbingoengaken, kita lan staat Was-

hington boten toenggil! Kedjawi New York, poenika inggih dados kradjan-ipoen staat New York. San Fran-cisco dados kradjanipoen staat Ca-liforniè.

Limrahipoen adrès - adrès saking lan dateng Amerika mawi kaseboet-aken staatipoen, kapasang sawing-kinging namaning kita lan katjekak, sarta tjekakan waoe oegi adjeg, boten sakadjeng-kadjengipoen. Ma-noet ingkang sampoen kaseboet nginggil, seratanipoen makaten:

Chicago, Ill. New York, N.Y. San Francisco, Calif. Seattle, Washington (namaning staat poenika awis katjekak).

Washington, Virg. Jèn New York kadjengipoen kita New York, jèn tanpa mawi ketra-ngan staatipoen, adat kaserat. New York City (City: kita ageng).

Kedjawi poenika saking Amerika oegi kakabaraken bilih Major Reuben Hollis Fleet, president panggaotan iberan ingkang nama Consolidated Aircraft Corporation ing kita Buffalo, N.Y. badé énggal damel tjòben miber dateng Europa ambekta tjang 100! mawi motor 16 ingkang se-toenggal-setoenggalipoen gadah ke-kijatan 600 P.K.

Bab prekawis sanès malih ing-kang perloe kagijaraken ingriki bab pangopénipoen tjang boedeg ing Amerika. Kawartosaken saweg poe-nika, jèn ing Amerika margi saking saèning pangrimatipoen, tjang-tjang boedeg ing ngrika saged ngetjakaken pakarjan poenapa kémawon kedjawi dados toekang maboer. Ing saben staat ing U.S.A. temtoe gadah pa-moelangan kanggé laré boedeg, ngantos laré-laré waoe saged mle-bet ing Universiteit kedjawi 4 staat: ingkang boten gadah pamoelangan pijambak: Delaware, New Hampshi-re, Nevada lan Wyoming (U.S.A. ke-dadosan saking staat 49), ladjeng sami kepeksa ngintoenaken laré-laré ingkang sami boedeg dateng staat sanèsipoen ingkang gadah pamoelangan kanggé laré boedeg.

Bab pangoepekara tjang oetawi laré boedeg poenika babadiipoen sampoen wiwit kala tengah-tengah-ipoen abad XVIII ing saantawisipoen taoen 1712 kali-jan 1789, djaman soe-gengipoen Abbé de L' Epée, imam Roem-Katoelik lan dados Kanunnik ing katedral Troges, Perantjis. Ing-gih rama Pastoor poenika (émari-poen ladjeng kapotjot saking kaleng-gahanipoen Kanunnik, margi ladjeng ngenoet ngèlmi Jansenisme) ingkang kagoengan ada akal-akal soeka pi-toeloengan dateng laré boedeg, ka-djar gineman sarana tanda: ébah-ing dridji lan tangan. Déné réka poenika pinanggihipoen mergi ka-bekta saking sadèrèkipoen rama pastoor waoe kalih, èstri sadaja, sami boedeg. Sedèrèk kekalih waoe sami kawoelang alfabèt ingkang ka-gambar sarana daridji (fingeralpha-bèt) ingkang sapriki lestantoen kanggé.

Inggih leres, methode énggal sa-poenika-poenika laré boedeg sami kawoelang nampi pawitjantenan sa-rana namataken ébahing lambé, na-moeng methode-dridji waoe meksa taksih lestantoen kaanggéing poendi-poendi. Tjjang-tjang boedeg ing Amerika, Europa lan Ierland sa-daja sami gineman nganggé dridji tangan tengen, nanging tjang boedeg ing Inggris lan Australia mawi dridji tangan kalih pisan.

Ing woelan Augustus ing kita Buffalo, U. S. A. (staat: New York, tjelak tlagi Niagara) mentas wonten kempalaning tjang boedeg ngantos djangkép 2000, sadaja sami warganing National Association of the Deaf, oepami tjara Indonesia: Perserikat-an Nasitjional boeat orang Toeli, perloe ngoermati adeging rejtjani-poen rama de L' Epée, déwaning tjang boedeg waoe.

Kadjawi katjrijosaken bilih ing U. S. A. tjang boedeg poenika saged ngetjaki njamboet damel poenapa kémawon, kedjawi dados toekang maboer, ing staat-staat sa-watawis, Ohio, North Carolina lan Minnesota, sami gadah kantor pen-damelan mligi madosaken pendame-lan tjang ingkang boedeg.

Anggénipoen tjang boedeg boten saged dados toekang maboer poeni-ka boten mergi anggénipoen boten saged mireng, nanging kabekta se-pining pérangan koeping (gehoor-steentjes) ingkang kanggé ngraos timbang oetawi djedjeg lan boten. Kanggé pendamelan sanès, ma-noet verslag saking kantor-kantor tanggoengan djiwa, tjang boedeg awis-awis sanget ingkang katiwasan wonten ing padamelan, margi sabab ngertos jèn boedeg, panjamboet da-melipoen dados sami langkoeng ngatos-atos.

Tjobi kapisranana pangkat poena-pa ing U. S. A. ingkang saged ka-tjepeng ing tjang boedeg: goeroe, djoeroe gambar, redaktoer, tani, soedagar, ahli chimiah, minister, dirèktoer gymnastiek, home mana-gers.

Lan wedalan poendi? mangga ka-pirsanana: Gallandet College ing Washington, John Hopkins Universi-ty, George Washington University, Mc Gill University, Pennsylvania University lan Callifornia University.

Tambahan. Jansenisme, ngèlminipoen Cornelis Jan-sen (1585 — 1638), Biskop ing Yperen, ingkang katetepaken dados ngèlmi ambe-lasar déning Rama Soetji Urbanus VIII, sarta doemoegi sapoenika wonten nagari Walandi taksih kaenot sawenèhing go-longan.

Kaseboet saking basa Inggris dé-ning ki Heraclitus.

~\*~ V A R I A ~\*~ DONGÈNG SAKING BETAWI II.

karanganipoen: sad. S. lid R.K.D.B.

Kala koela ndongèng wingi poe-nika sampoen sagah badé ndongèng bab padagangan lan kawontenan-ipoen pamoelangan Walandi Ka-toelik.

Sadèrèngipoen koela ngandaraken sekedik bab padagangan, koela ma-toer roemijin poendi ingkang koela seboet Betawi.

Inggang koela kadjengaken Beta-wi ingriki menawi tanpa ketrangan sanès ateges Betawi — Weltevreden lan Meester Cornelis, ingkang jèn tjara Betawi Mistir oetawi Mèstèr, tanpa Cornelis. Amargi kita tetiga waoe sampoen dados satoenggal lan garis tengahipoen watawis 14 K.M. oetawi 9 paal, dados 2 pos kirang sakedik.

Padagangan ing kita Betawini-poen pijambak (Betawi loeogoe) ba-bar pisan katjepeng ing golongan Tjong Hoa. Menawi badé pirsaka-kijatanipoen sad. Tjong Hoa koela atoeir mrikoek. Grija ageng - ageng, bank, toko, gesang, kasenangan lan restaurant Tjong Hoa wonten ngri-koe ketingal merdika, soeboer, sem-bada. Bèda kali-jan jèn pendjenengan ngadeg wonten ing telenganing Wel-tevredden tjelak aloen-aloen singa (Rijswijk, Noordwijk) ngrikoe kados wonten ing tengahing kita sabrang, sadaja toko katjepeng bangsa Eu-ropa, kasloendingan toko bangsa boemi Sapi-ie. Ing Meester pada-ganganipoen 3/4 oegi katjepeng bang-sa Tjong Hoa.

Bab pamoelangan Katoelik kang-gé bangsa Walandi mèh sadaja ka-asta para broeder lan zuster, ke-djawi sekolahan andap tjelak H.I.S. van Lithschool ingkang nama Xa-verius School taksih katjepeng goe-roe-goeroe Welandi limrah. Para zuster dalem lan pamoelanganipoen ketingal gagah-gagah, H.B.S. won-ten 2 lan Kweekschool oegi wonten 2. A. M. S. kaasta para Rama pas-toer Jezufet, ingkang moeridipoen Djawi sami tilas saking Moentilan oetawi Ngajodja.

Kedjawi babagan kalih werni ing nginggil ingkang perloe kaatoeraken malih bab pepaking tjang mantja ingrikoe. Jejasan goepermèn lan partikelir ingkang nggegirisasi sami ketingal wonten ing Betawi lan Weltevreden kadosta: station, kan-torpost, spaarbank, Javabank, Gou-verneurskantoor lsp.

Pepaking bangsa mantja waoe kabekta saking kita ageng, kita pe-laboehan lan dados poesering pa-préntahan, wonten ing Betawi pen-djenengan saged pirsia tjang Dje-pang wonten rikoe gadah soos pijambak, saged pirsia toko Padang, toko gadahanipoen tjang Perantjis, tjang Djerman, kantor dagang Itali (società commissionaria di esporta-zione e di importazione), grija consul geneeraal Japan, consulaat Itali (Rmo. Consolato d' Italia) l.s.s. Lan oegi boten anggoemoenaken, margi saking werni-wernining bangsa, an-djalari kala-kala soerem bèda-bèda-ning golongan: toko pribomei ga-dah poenggawa tjang koelit petak (Sapi-ie), maskapé Tjong Hoa poeng-gawanipoen Indoe (Niao), toko Tjong Hwa poenggawanipoen tjang Europa (Tio Tek Hong), Kleerma-ker Tionghoa looperiipoen Walandi l.s.s.

Bab tetoempakan ingkang tjeta ing Betawi-ageng (Betawi-Welte-vreden, Meester Cornelis) karegem ing tjang Golongan: goepermèn (S.S.), partikelir (bus lan tram elec-trisch B.V.M.) lan golongan Tjong Hoa (bus Niao).

Maskapé B. V. M. poenika, tje-kakan saking het Bataviasch Ver-keer Maatschappij, kadosan sa-king maskapé kalih: Ned. Ind. Tram Mij lan Bataviasche Tram mij. Ing taoen 1930 poenika (saweg wiwit woelan September) maskapé kalih waoe roekoen dados satoenggal, perloe kanggé mlèpèt maskapé Tjong Hoa „Niao“ oetawi Ned. Ind. Au-tobus onderneming.

Tetoempakan kalih golongan poe-nika, B. V. M. Niao, gesangipoen namoeng mligi wonten salebeting Betawi-ageng (14 K. M.), ingkang bakoe ngladosi poenggawa kantor, laré sakolah lan tjang dagang sa-watawis. Tjjang nglebet kita mèh boten naté migoenakaken bus ing-

MISSIE BABADAN ÉNGGAL ING DJAWI-WÉTAN

Betah goeroe kakoeng katolik, we-dalan saking Normaalschool, jèn wonten ingkang sampoen ajoeswa.

Serat lamaran toewin poendoetan katrangan kakintoena dateng

ADMINISTRATIE SWARA-TAMA.



kang medal saking djawi kita, ingkang adapipoen busipoen langkoeng awon.

Kados ingkang njerat karangan poenika oegi kepeksa migoenakaken bus B.V.M., margi ngemoeti grijanipoen tebih saking papanipoen njamboet damel (5-6 K.M.; awas nglebet kita!!)

Margi djiwa Katoelik ing Betawi boten kirang saking 10.000 mila jejasan Katoelik oegi nglebaken. Ing-gih leres kala-kala wonten oedoer, nanging pakarjan ingkang medal saking karoekoengan gotrah Katoelik kerep damel éringipoen golongan sanès.

Kerep sanget ing kathedraal ing aloen-aloen singa (klebet jejasan ingkang adi pijambak ing sa-Indo-nesia, déné wangoenipoen gothiek) kanggé waton ngelokaken jèn golongan Katoelik poenika pantjèn soegih, mila... radi getir pri-jantoen... mila wonten méntjokipoen jèn kakabaraken katah tijang dados Katoelik margi mélik banda „zie maar, de Katholieken hebben altijd mooie kerken,” koela mireng oekara makaten poenika goemoedjeng, nanging kanggé gentos nem-piling kok radi boten adakan pi-rantosiipoen,— nanging koela inggih boten kasoepèn bilih golongan R.K. mila ageng pijambak ing sadonja.

Wonten ing kalangan ném-néman Indonesia, ratjak-ratjak margi béda-bédaning dialect, Djawi, Batak, Soenda, Sangir, Minahasa, basa ingkang adakan ladjeng basa Walandi.

Sadèrèk Batak wonten Betawi adat saged angsal papan saé, awit ingkang katah wanter, sarta ratjak-ratjak watakipoen mèmper tijang Djerman, basanipoen antep, pake-tjapanipoen rikat, pawakan saé, sembadu, kekel, kijat.

Bintang Timoer, Nera lan pakar-jan sanèsipoen malih sadaja sami adanipoen sadèrèk Batak. Kantja Djawi anteng-anteng namoeng sa-rèn anteng adat blandjanipoen inggil: commies anoe, commies anoe! Koela sampoen naté nepangi prijantoen barès, mèndel, pesadja, sareng lintan adres: R. anoe, commies anoe. Manah koela kepranan. Kaoetamèn Djawi wonten poendi<sup>2</sup> ketawis, mèndel, nanging ngintjik!

Kosok-wangsoelipoen tijang Djawi wonten Betawi kerep dipoenwadani: Djawa p e m a d a t a n. Pantjèn makaten, badanipoen tijang Betawi saé-saé, (ratjak langkoeng saé tinim-bang tijang Djawi tengah) saras, tjekap ingkang kateda. Ing tengah kita pandoeng kénging kaseboet boten wonten.

Saradadoe, oepas, conducteur, poenggawa kantor lan setasijoen katah Djawinipoen.

Tjeta malih sareng wonten pasar gambir, panggénan wajang kebak, boten amot, tanda Betawi djiwani-poen saking Djawi tengah katah. (entree f 0,50 lan f 1,—).

Jèn menganggé tjara kilénan, dja-lera, èstria, angèl pembatangipoen, poenapa Indo, Tionghoa, Batak, Soenda, Djawi, Mlajoe, angèl. Mila boten mokal jèn basa Walandi la-djeng ketengen.

Sanès dinten kaatoeraken bab defensie lan roemambatipoen agami Katoelik dateng tijang pribonemi wonten ing telatah Betawi.

Sapoenika ngaso semanten roe-mijin.

## OERAP-SARI.

Petikan saking serat-serat kabar sanès.

### KABAR KATHOLIEK.

#### Grija retrèt „Girisanta.”

*Atrap banon ingkang kawitan.*

Kala Djoemoewah 3 Oktober, djam 9½ éndjing, *Grija Retrèt* (Re-traitenhuys), „Girisanta” (Semarang) dipoen-trapi banon ingkang kawitan. Ingkang andjenengi pandjenenganipoen P. Superior Van Kalken, para ngoelama saking poendi-poendi, poenapadéné wandawa Katholiek Djawi, Wlandi, Tionghoa pinten-pinten.

Grija Retrèt poenika doenoengipoen angongkang margi ageng Oengaran — Bawèn, djembaring pé-mahanipoen 4½ baow; poenika ingkang dipoenadegi grija 2600 — 2700 M<sup>2</sup>.

Grija retrèt poenika waoe ka-maripoen 30. Déné ingkang manga-gengi panggarapipoen, t. Kleiverda ing Semarang.

mBokmanawi kémawon béndjing tengah-tengahanipoen woelan Maart 1931, sampoen rampoeng.

#### Grédja énggal.

*Ing Ngajogjakarta.*

Taoen poenika ing kalangan Mis-sie Djawi katah Grédja énggal djoemodoel.

Ing Ngajogjakarta, kawartos ing-gih badé jasa Grédja énggal malih, ingkang dados kembaranipoen Gré-dja ing Kota Baroe.

#### Missie Djawi Wétan.

Wiwit tanggal 8 Oktober pan-djenenganipoen P. Emanuel Stul-tiëns kapindah saking Djember dateng Malang.

Ingkang anggentosi nindakaken pakarjanipoen, moemoelang tetijang ndoesoen, pandjenenganipoen P. Vloedt Malang.

#### Zusterschool Semarang.

Pandjenenganipoen Zusters Fran-ciscanessen ing Semarang ambikak sakolahan fröbel toewin lagere school wonten Bodjong.

## KABAR OEMOEM INDONESIA.

### BODJONEGORO.

*Saking pambantoe Sw. Tm.*

**Ngendat, djalaran . . . . .**

Ing district Ngoempak Kalitidoe djadjahan kita Bodjonegoro wonten kawontenan ingkang anèh. Dèrèng dangoe poenika kita ngabaraken, ma-nawi ing district Ngoempak sampoen awis tijang batjok - batjokan, nanging kita kepeksa ngabaraken gentosiipoen i. p. main pentoeng.

Kala t. t. 19 Sept. poenika M. Roesmani, Schatter pandhuisdienst Kalitidoe badé noeweni sadèrèkipoen èstri ingkang sakit wonten ing kita Bodjonegoro. Wonten ing margi ka-nedeg ing M. Sastrasodewa, be-heerder Houtstapelplaats Sem Liem Kongsie. Boten sronto-sronto wonten pentoeng kadjeng kesambi ± mid-dellijn 15 cM pandjang 3/4 M dawah ing lengenipoen M. Schatter, ingkang dados lan poetoengipoen. Ingkang mentoeng Waker-ipoen Mas beheer-der nama Tirtoredjo. Poen Schatter boten èstoe dateng Bj. nanging ka-peksa sakit pijambak wonten ing ndistrictkan. Ewasamanten kapeksa inggih dateng Bj. ngitjipi ngamar sakit. Oeroesan kaeroes wonten ing district.

Kala t. t. 28 Sept. poenika, dados nembé 9 dintenipoen M. Schatter—M. beheerder inggih noetoeti dateng grija sakit, nanging sampoen dados lajon.

Menggah kabar-kabaripoen ma-katen:

Ing satoenggiling dinten M. be-heerder betah arta, oetoesan nggan-tosaken gelangipoen ingkang èstri pak Tirtoredjo, wakeripoen dateng pe-gantosan. Pak Tirtoredjo wonten ing ngrikoe tampi temboeng-tem-boeng saking M. Schatter ingkang boten sakétja kamirengaken toemoedjoe dateng M. beheerder. Sasam-poenipoen gantos, Tirtoredjo repotan bendaranipoen, ngandaraken tem-boengan ingkang kapiireng waoe. „Gelang kok digadèkaké, mbok oen-toené bodjoné kae ditèrèk digadèkaké mréné, oentoené rak ja emas ta?”

M. Beheerder ladjeng mrekitik mireng tetemboengan ingkang sanget menghina poenika ladjeng wonten poetoesan, soepados manawi pijam-bakipoen gineman kalijan M. Schat-ter, Tirtoredjo waoe énggal men-toenga penjakit nggantoskan poenika. Kedadosan: Nalika M. Schatter badé késahan dateng Bj. toewi sa-dèrèkipoen sakit, dipoenendeg mas beheerder, ingkang ladjeng kasoem-bang pak Tiro mawi pentoeng ke-sambi poenika, moetoengaken baow kiwa.

Rèhning sadaja poenika sampoen kadoemoegèn, lan M. Schatter sam-poen nggrija sakit ing Bj., M. Be-heerder pitaken ngalèr - ngidoel da-teng sadèrèk-sadèrèk ingkang sam-poen saé, ngandaraken sadaja ka-wontenanipoen. Para sadèrèk malah sami nglepataken dateng tindak ma-katen poenika.

Antawis 4 dintenipoen M. be-heerder dateng Sbg., kilap dateng poendi? Njipeng ngantos 3 daloe. Sawangsoelipoen saking Sbg. inggih taksih nglelipoer manah takèn-takèn dateng sadèrèk-sadèrèk malih, moe-fakatan! Wangsoelan taksih sami kalijan roemijin kémawon, damel boten tentreming manahipoen M. Beheerder.

Kotjapa: Saking djoedeging ma-nah, kala minggu éndjing t. t. 28 Sept. wantji djam 5 lan ingkang èstri ladjeng kapoerih nggodog wé-dang, pijambakipoen taksih saréan. Sareng tinilar ingkang èstri badé raoep, i.s. mas beheerder djingkrong noewek tenggokipoen mawi pen-nemes, dèrèng saged sampoenra. Prakawis ramé wonten ing nggrija, para maos saged nginten pijambak.

Woesana mas Beheerder katoem-pakaken montor badé kabekta da-teng Bj. ing nglebeting montor M. beheerder dados lajon, kateroesaken kaemot dateng Bj.

Kita mireng, menggaha m. be-heerder taksih gesang ing dinten minggu poenika badé katjepeng déning politie, nanging rèhning sampoen nggeblas, dados inggih kapeksa boten dipoen menapak-menapakaken.

Sasampoening kapriksa toean Dokter lajon badé dipoenemot ing montor kabekta wangsoel dateng Kalitidoe, nanging sawenèhing mon-

tor kados déning staking boten wonten ingkang sami poeroen nge-mot (adrijh dateng goegon toehon). Woesananipoen meksa inggih saged dateng doemoegi Kalitidoe lan ka-doenoengaken pisan wonten ing makaman.

Ngendatipoen mas beheerder poe-nika taksih dados pitakénan? Poe-napa roemaos isin?? Poenapa nganggé arta kas?? Poenika kita dèrèng saged namtokaken, mila ngentos onderzoek roemijin.

Sinten ingkang roemaos menang? Sinaosa taksih sakit baonipoen rak inggih mas schatter ta? Nanging manawi temboeng<sup>2</sup> menghina kase-boet nginggil poenika leres, lan ingkang andjalari pedjahipoen m. beheerder,— kita ngatoeri ènet dateng M. Schatter sampoen sok ngempakaken tetemboengan kasar ngerèkaken manah makaten malih, djer pantesipoen schatter makaten rak ingkang kedah saged ngemong dateng tijang ingkang badé nggan-tosaken ta? Poenika manawi kagali-h dateng pangnggil inggih mangga, nanging koela namoeng ngatoeri pèngtet lo!?)

#### Njawa-njawa andjal.

Kita mireng saking tijang ingkang kénging kapitados bilih roemijin makaman ing kampoeng Soembang poenika dados soesoehing ketèk-ketèk.

Ing wantji daloe ketèk-ketèk waoe adamel rerisak ingkang boten samestiniipoen wonten ing sakiwa-tengenipoen makaman ngrikoe, ngan-tos tetijang ingkang gadah pategilan ing satjelakipoen soesoeh éblis-éblis kasebat sami boten poeroen nggarap tegilipoen awit boten sandé temtoe dipoenresahi ketèk<sup>2</sup> waoe.

Tetijang ingkang sami gegrija ing sakiwa-tengenipoen oegi ngraos geli manahipoen, djer sang pe-ngrampèk poenika pantjèn tjlimoet saèstoe, ngantos poeroen mendet bekakas pawon poenapa ingkang moeroegaken dados tjotonipoen ti-jang gegrija.

Doemadakan wonten ingkang ga-dah tékad rekès dateng pengageng, amrih para tjlemer poenika saged itjal.

Nalika dinten Slasa tg. 26 lan Kemis tg. 28 Aug. 1930 politie-op-ziener lan veldpolitie 2 sami mbek-ta sendjata nloesoep-nloesoep ing greng-greng badé njirnakaken sadaja pengrisak kaamanan poenika.

Oengeling sendjata boten wonten kendat-kendatipoen.

Andjal ing njawa-njawa waoe sa-king wadagipoen kados déné oetjoeling mimis saking sendjatanipoen.

Poenapa taksih satoenggal kalih ingkang taksih kagènan njawa, kita boten patosa mreodoeli, nanging sampoen jakin sanget bilih ing kam-poeng Soembang sapoenika katingal aman, lan tetijang sami njrempeng nggarap pategilanipoen.

Memoedji sageda kasil katah!

Andjawi saking poenika, greng-greng waoe sapoenikanipoen sam-poen katah ingkang sami kaba-badan.

Oepami sadaja greng-greng ing kita dipoenmakatenaken kados-poendi? Rak langkoeng saé ta?

Prakawis poenika moegi kagaliha déning ingkang kagoengan wadji-b, djer saking pemanahan kita, kados boten jakoe manawi ing kita ka-résidénan taksih katah deling-de-lingipoen?\*)

#### Djiwa tanah Djawi.

Tjatetan voorloopig manoeet Volks-telling nembé poenika, djiwa ing tanah Djawi lan Madoera, wonten 41.264.626. Mangka kala taoen 1920 djiwa waoe (Indonesiërs lan bangsa mantja) wonten 34.984.171. Dados mindak nem joeta langkoeng.

Manawi kagolongaken sapropin-si-sapropinsi mekatan:

	1930	1920
Djw. Kilèn	11.321.182.	9.207.147.
Djw. Tengah	11.224.855.	9.905.080.
Djw. Wétan	14.604.360.	12.539.583.
Soerakarta	2.565.772.	2.049.547.
Ngajogjakarta	1.548.457.	1.282.815.
Manawi karatjak, ketelipoen dji-wa ing tanah Djawi, saben 1 K.M. <sup>2</sup> isi djiwa 310.		
Bilih katanding kalijan keteling djiwa ing tanah mantja, kados ing ngandap poenika:		
Nederland	tn. '28 : 226 à K.M. <sup>2</sup>	
Djerman	tn. '27 : 135.	
W.V. Saksen	tn. '27 : 336.	
Belgi	tn. '27 : 259.	
Baritanijah	tn. '26 : 259.	
Itali	tn. '27 : 132.	
Eur. Rusland	tn. '26 : 25.	
Djepang	tn. '28 : 163.	
Hind.-Inggris	tn. '21 : 68.	
W. V. Bengalen	tn. '21 : 235.	

#### Élektrisi lan laré-laré.

Saking Biro Onderwijsraad, re-daksi tampi pawartos soeraosipoen: Toewan Jan Teders, sakedap malih dateng wonten Indonesia. Wonten ngriki sawatawis woelan. Jan Te-

\*) Panjoewoen koela, béndjing malih ma-nawi damel pakabaran, koela atoeri ingkang ringkes. (Red.)

## ONTJÈN SEKAR GAMBIR MELATI.

### HEM..... POENAPA LESTANTOEN MAKATEN KÉMAWON?

Pétangan djiwa, sampoen kapeng-ker. Volkstelling sampoen rampoeng; kadjeng koela: pandamelanipoen mo-mentteller lan periodeteller sam-poen telas. Betawi namoeng kantoen mangsakipoen.

Margi Volkstelling. Paréntah badé ngoeningani djiwaning kawoela. Badé pirsu kawontenanipoen. Badé damang tjatjahipoen ingkang nganggoer, lss. Satemah, toemrap Paréntah, manoeet pangandikanipoen pijambak, badé anggampilaken panjepengipoen ke-moedining papréntahan.

Toemrap kita ingkang dipoenpé-tang; para djoeroe moedining per-g e r a k a n. Volkstelling waoe inggih wonten pikantoeikiipoen. Kadjawi tjalon bati anjoemerepi sapinten tjat-jahipoen djiwa Indonesia dalah kawontenanipoen, wekdal sapoenika kémawon sampoen bati saged njoe-merepi kawontenan ingkang pantes kita kepèki. Pantes kita tjateti wonten ing tjatetan prakawis-prakawis ing-kang kedah katindakaken. Pantes kita dèkèkaken wonten werkprogram kita.

Djer, Volkstelling ingkang nembé kalampah poenika, anedahaken ka-wontenan<sup>2</sup> ingkang boten pantes dados kantining kamadjengan. Wonten kawontenan - kawontenan ingkang ngisn-isini.

Mangga, pandjenengan panggalih!

Manoeet tjarijosipoen *De Malanger*, gandèng kalijan dinten momenttelling kala malem Rebo Wagé 7/8 Oktober, ing doesoer *Karangsari* (Malang Kidoel) wonten pawartos ingkang adamel mirising tijang. Gotèking ngakatah, ing dinten waoe, badé wonten boe ta dawah toemoeroen saking nglangit sarta badé anjaploki tetijang ing doesoer ngrikoe.

Sanadjan administratoer ing satje-lakipoen ngrikoe, loemantar mandor-mandoripoen, poenapa déné golo-ngan prijantoen pangreh pradja ang-genah-genahaken doranipoen kabar ngaja wara waoe, éwadéné inggih meksa wonten kadadosan ingkang kirang prajogi.

Malah soemebaring pawartos, ing grijanipoen petinggi (loerah) doe-soer Karangsari wonten gambaripoen boeta waoe. Woedjoedipoen: gambar Wlandi, oentoenipoen anggegilani. Tanganipoen awoedjoed: tjakar pan-djang-pandjang, anjengerem potlot.

Margi soemebaring pawartos nje-dihaken waoe, ladjeng anowoehaken lalampahan „memelas”. Kadosta: ing doesoer *Sempol* (Malang Kidoel), wonten tijang ngendat, inggih margi adrijh dipointjaplok boeta.

Satoenggiling *mantri goeroe*, ing *Pagelaran* (Malang Kidoel) ingkang wonten ngrikoe sakalangkoeing si-neoba-soeba, gandèng kalijan tim-boeling lalampahan ing dinten „Rebo Wagé” waoe, ladjeng anjarjosi ti-jang-tijang soepados toemoenten angagengna dikiran kémawon.

Ing doesoer *Bandoengredja* toewin *Baléwarti*, wonten tijang sawa-tawis anjadéni radja kaja toewin grijanipoen. Preloenipoen soepados samangsa kadatengan boeta saèstoe, boten angreribedi . . . . .

Malih! Serat kabar *Bahagia*, tang-gal 11 Oktober poenika, tampi pa-wartos saking pambantoenipoen ing Brebes, makaten :

Seorang pendoedoek di desa Djo-golempeni, onderdistrict Wonosari (Brebes) bernama Soerio, telah mengandjoeri pada pendoedoek In-donesier di onderdistrict Djatibarang bahwa barang siapa yang soedah dihitoeng oleh Volkstelling tentoe akan mati. Akan tetapi orang dapat menjingkiri itoe „mati” apa bila mereka soeka menoeroet nasehatnja Soerio yang dengan segala senang hati akan mengantar mereka pergi ke perigi soetji di Doekoeh-toeri, district Adiwarno dimana me-reka haroes mandi dan ditoenggoei oleh Soerio.

Tiap-tiap orang yang dihantar ke perigi itoe haroes membajar pada Soerio paling sadikit f 0,50.

Menoeroet dari katanja sendiri malah telah ada orang yang karena

dari terima kasihnja telah memberi wang f 50.— kepadanya.

Perkara ini sekarang telah terde-ngar oleh ass. wedono di Djatibarang dan di selidiki.

—o—

Kadjawi makaten, taksih katah pa-wartos-pawartos lalawora, gandèng kalijan wontenipoen Volkstelling.

\*\*\*

Sadèrèk! Tjonto-tjonto ing nging-gil, soeka piwoelang ageng dateng kita. Dateng sinten kémawon ingkang sedyu ngadjengaken bangsanipoen.

Wonten ing *Swara Tama* tanggal 3 lan 10 Oktober, koela sampoen angatoeraken s a s a k i t Indonesia kalih warni i. p. sasakit n g e b r è h, rojal-rojal, toewin ngé-m a h - é m a h a k e n l a r é t a k - s i h k e n è m e n.

Djangkepipoen kaping tiga, — ge-gandèng kalijan Volkstelling nembé poenika — koela ngatoeraken sasa-kit goegon toehon; ngan-d e l a n !

Sampoen tètela, doemoegi titi-mangsa poenika, bangsa kita katah sanget ingkang goegon toehoni-poen taksih kandel.

Ingkang makaten waoe, tetep ngoe-tjiwani toemrap adjengipoen Indo-nesia!

Koela boten maiben bilih bangsa kita inggih sampoen katah ingkang dados sardjana poetoes sawarnining kawroeh. Katah ingkang sampoen saged nawoeng kridaning djam. Katah ingkang sampoen aseboetan mèster, doktor, propèsor. Katah ingkang sampoen djempol!

Namoeng ènet, ingkang nama Indonesiërs poenika boten namoeng kaom djempolan kémawon. Malah sapérangan ageng, kaom t a n i, kaom ndoesoen!

Manawi Indonesia ingkang ma-djeng namoeng sapérangan, sanèsi-poen taksih k a l i m p o e t, poenika koetjiwa! Menggaha tradjoe taksih bot-sih. Menggaha tijang mladjeng, kesrimpoeng!

Manoeet tjarijosipoen *De Malanger* kaseboet nginggil, katjarjosaken wonten *mantri goeroe* ingkang ka-toet kedajan „boeta”.

Manawi kabar poenika temen, anggoemoenaken! Mantri goeroe; djoeroe anggoela-wentah!

Koela ladjeng kèngetan djam-an kjahi Pentèt, kjahi Bedor. Kala se-manten kawartos inggih katah para winasis Indonesiërs, neda sabdanipoen kjahi kakalih poenika. Malah kala semanten, s. k. *Mataram* ladjeng angétié-étié: „... kaja ngono kok andjalok mardika!”

Temen-botenipoen pawartos *man-tri goeroe* waoe, koela borongaken. Nanging, . . . . . k a w o n t e n a n ingkang taksih soemrambah, ame-djang koela, bilih: ing windoe poe-nika taksih katah para terpelad-djar nganggé ngèlmo „goegon-toehon”. Taksih katah sanget ing-kang emoh dokter, ngarepi Bedor, Pentèt. Malah inggih wonten pantoentoen pergerakan, ingkang angendel-endelaken petèk-ing noedjoem.

Manawi ingkang noentoen, ing-kang terpeladjar, taksih makaten, iba ingkang dipointentoen: kaom ndoesoen, kaom tani, kaom krama, kaom bodo.

Sanadjan kawontenan „boeto idjo” lss. waoe, boten ngitjal-aken wewenang kita neda kamardikaning Indonesia, éwadéné inggih tetep kawontenan ingkang boten patoet; ngisin-isini!

Nitik djoemedoeling aksi ka ma-dj e n g a n, aksi ka m a r d i k a n, ing talatah Indonesia, mila sampoen kala mangsanipoen, para pangan-djoer, para goeroe lss. sami toeman-dang sarosanipoen ndokter sasakit waoe. Langkoeng anderpati tinim-bang waoe-waonipoen!

Mangga, sinten ingkang tinar-boeka, ladjeng anjepenga wadoeng, petèl, kanggé ambabadi „wana goe-gon-toehon” ing Indonesia!

Kumuningsaselé, 12 Okt. '30.

Taklim: *Patjar Mérah*.

### CORRESPONDENTIE.

*Saking Red.* Kita sampoen tampi karangan-karangan saking: C. C. Solo: Tjoholo Ba-gèlèn; Moedatanja; H. Tjitra. Abn. 759; Bremana; Abn. 656; Blambangan; Abn. 760; Sing-gih; A. S. H.; nanging saking katahng poen kopi dèrèng saged matjak.

*Saking Adm.* Abn. 77; 199; kanggé taoen '30 sampoen sah babar pisan.

*K. W. Salatiga:* Abn. 582 kanggé taoen '30 mila taksih kirang f 1.12<sup>5</sup>. Abn. poenika nomeripoen: 475.

*Abn. 474:* Inggih sampoen. Nanging poenika waoe lantaran K. W. Salatiga kita na-moeng tampi f 1,50 kanggé woelan Juli. Aug. lan Sept. '30.



